

Na osnovu člana 21. stav (2) tač. e) Zakona o unutrašnjim poslovima Kantona Sarajevo ("Službene novine Kantona Sarajevo", br. 1/16, 26/19, 31/19 i 39/20) i člana 68. stav (3) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), ministar unutrašnjih poslova Kantona Sarajevo donosi

### **INSTRUKCIJU O POTPISIVANJU PRODUŽENJA REGISTRACIJE I ODJAVE VOZILA**

Član 1.  
(Predmet)

Ovom Instrukcijom propisuje se ovlaštenje za provođenje postupka produženja registracije i odjave vozila uz korištenje podataka iz centralne evidencije, postupak produženja registracije i odjave vozila uz korištenje podataka iz centralne evidencije i interni nadzor nad provođenjem postupka produženja registracije i odjave vozila uz korištenje podataka iz centralne evidencije.

Član 2.  
(Ovlaštenje)

Radi efikasnijeg obavljanja poslova registracije vozila, ovlašćuju se viši referenti za poslove registracije vozila raspoređeni na te poslove u Sektorima za administraciju, Uprave administracije, da potpisuju produženje registracije i odjave vozila uz korištenje podataka iz centralne evidencije, a koje se samo evidentiraju na osnovu dostavljene dokumentacije u potvrdi o registraciji i potvrdi o vlasništvu.

Član 3.  
(Postupak obrade zahtjeva)

Postupajući referenti će obradu zaprimljenih zahtjeva za produženje registracije i odjavu vozila, potpisivanje potvrde, stavljanje otiska pečata prečnika 30 mm i izdavanje isprava o vozilu vršiti odmah i neposredno po prijemu urednog i potpunog zahtjeva, na šalteru referata saobraćaja nadležnog sektora.

Član 4.

(Interni nadzor nad radom)

- (1) Neposredni rukovodilac postupajućih referenata iz člana 2. ove instrukcije će jednom mjesečno za prethodni mjesec vršiti kontrolu 30% od ukupnog broja obrađenih predmeta za taj mjesec metodom slučajnog uzorka o čemu će se sačinjavati zapisnik za svaki mjesec pojedinačno.
- (2) Jedan primjerak zapisnika načelnik obavezno dostavlja neposrednom rukovodiocu.

Član 5.

(Prestanak važenja ranijeg propisa)

Stupanjem na snagu ove instrukcije prestaje da važi instrukcija o potpisivanju produženja registracije i odjave vozila broj 01-263/15 od 27.04.2015. godine.

Član 6.

(Stupanje na snagu)

Ova instrukcija stupa na snagu danom donošenja i biti će objavljena na u "Službenim novinama Kantona Sarajevo" i na službenoj internet stranici Ministarstva unutrašnjih poslova Kantona Sarajeva.

Broj 01-7-04-1384/21  
28. aprila 2021. godine

Ministar  
**Admir Katica**, s. r.

### **OPĆINA CENTAR Općinsko vijeće**

Na osnovu člana 13. stav 2. Zakona o principima lokalne samouprave u Federaciji BiH ("Službene novine Federacije BiH", br. 49/06 i 51/09) i člana 10. i 68. Statuta Općine Centar Sarajevo-prečišćeni tekst ("Službene novine Kantona Sarajevo", broj 23/04), Općinsko vijeće Centar Sarajevo je, na Trećoj

vanrednoj sjednici, održanoj elektronskim putem dana 27.04.2021.godine, donijelo

### **ODLUKU O IZMJENAMA I DOPUNI ODLUKE OPĆINSKOG VIJEĆA BROJ 01-54-10/20 OD 29.07.2020. GODINE**

(o dodjeli na upravljanje i korištenje Olimpijskog stadiona "Asim Ferhatović Hase" Fudbalskom klubu Sarajevo putem ugovora o zakupu)

Član 1.

U Odluci Općinskog vijeća Centar Sarajevo broj 01-54-10/20 od 29.07.2020. godine, u tački 1. riječi: "Fudbalskom klubu Sarajevo" zamjenjuju se riječima: "Udruženju Fudbalski klub Sarajevo, kao sportskoj organizaciji od posebnog interesa za Općinu Centar Sarajevo."

Član 2.

U tački 2. riječi: "Stadion Koševo daje se u zakup po cijeni od 1 KM mjesečno, sa obavezom kluba da na ovaj iznos plati PDV" zamjenjuju se riječima: "Stadion "Asim Ferhatović Hase" daje se u zakup po cijeni od 4.000,00 KM mjesečno, uz obavezu zakupca da vrši uplatu i poreza na dodanu vrijednost (PDV)".

Član 3.

U tački 3. riječi: "FK Sarajevo" zamjenjuju se riječima "Udruženja Fudbalski klub Sarajevo."

Iza riječi: "i idejnim arhitektonsko-urbanističkim rješenjem" stavlja se interpukcijski znak "tačka" a riječi: "koje će biti odabrano putem otvorenog javnog nagradnog konkursa kojeg će polovinom narednog mjeseca objaviti općina" se brišu.

Član 4.

U tački 4. riječi: "FK Sarajevo" zamjenjuju se riječima: "Udruženja Fudbalski klub Sarajevo".

Riječi: "notarski obrađenog" se brišu.

Član 5.

Iza tačke 4. dodaje se nova tačka 5. koja glasi:

"5. Ovlašćuje se Općinski načelnik da sa Javnom ustanovom "Centar za sport i rekreaciju" Sarajevo zaključi Aneks ugovora o regulisanju međusobnih prava i obaveza broj UG-8005-15/18 od 04.10.2018. godine, u pogledu upravljanja i korištenja objekta stadiona "Asim Ferhatović Hase"."

Član 6.

Ova odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 01-11-2670/21  
27. aprila 2021. godine  
Sarajevo

Predsjedavajući  
Općinskog vijeća  
**Sejad Dozo**, s. r.

Ova odluka je objavljena na oglasnoj ploči Općine Centar Sarajevo dana 28.04.2021. godine.

Na osnovu člana 13. Zakona o principima lokalne samouprave u Federaciji BiH ("Službene novine Federacije BiH", broj 49/06 i 51/09), i čl. 10. i 68. Statuta Općine Centar - Prečišćeni tekst ("Službene novine Kantona Sarajevo", broj 23/04), Općinsko vijeće Centar Sarajevo je, na Trećoj vanrednoj sjednici održanoj elektronskim putem dana 27.04.2021. godine, donijelo

### **ODLUKU O DAVANJU SAGLASNOSTI NA NACRT UGOVORA O ZAKUPU STADIONA "ASIM FERHATOVIĆ HASE"**

Član 1.

Općinsko vijeće Općine Centar Sarajevo daje saglasnost na Nacrt Ugovora o zakupu stadiona "Asim Ferhatović Hase".